

"Ti dé tēmp al tēmp" va inant nce d'autonn

La tle per miuré la cualità de vita tlo da nēus ie perdret se tò dl'aurela per zidlé miec l tēmp. Perchèl à i **Cunsëies de Furmazion de Gherdëina** deberieda cun d'otra lies metù ju n program de manifestazions y scumenciadives propi sun l tema „**Ti dé tēmp al tēmp**.” Na bela lingia de chësta scumenciadives de furmazion iel bele unì metù a ji ntan l'ansciuda. Sēn va l proiet inant y nscila puderons vester curiēusc cieche nes vēn tan pità pra l 'Domesdi Letterer Ladin Alalergia - n **Poetry Slam** cun autores ladins n sada, ai 25 d'agost dan la Cësa di Ladins a Urtijëi. Ai 5 de utober saral na mëisa turonda dal titul **"Nosta vita nes dà dant la streda"** ulache l sarà persones de Gherdëina che conta de si sperienzes de vita. Doi enes do, ai 19 de utober, ti uniràl dat lerch ai **"Lecorc ntëur al tēmp dla generazion dl '68"**. Ntan chësta mëisa turonda te cësa de cultura a Urtijëi vëniel rujenà dla mpurtanza de cunté y dé inant la storia. L proiet finerà via cun n **"Forum Sëlva"** te Tublà da Nives ai 8 de nuvëmber ulache trëi generazions cunterà de si sperienzes de vita y coche cërta ntraunides à mudà si cunzet dl tēmp.



Ti dé  tēmp al tēmp

Nfurmazions plu avisa sun l proiet abinen sun www.manif.it y www.facebook.com/furmaziongherdeina sciche nce sun deplù stampac.